

BIRAM TOLERANCIJU

Tolerancija se izražava na različite načine: ljubaznošću, osmjehom, pohvalama, prihvatanjem, razumijevanjem, dobrom komunikacijom, empatijom, otvorenošću, srdačnošću, plemetošću, uvažavanjem, praštanjem, humanošću, davanjem, ljubavlju, slušanjem.

Multikulturalizam je ideologija koje potiče na institucionalizaciju zajednica koje imaju mnoge kulture. U suštini to se odnosi na demografsku sliku nekog mjesta, i to na organizaciji školstva, susjedstva, gradova, i nacija. Multikulturalizam, kao ideal skladnog života kulturno različitih grupa, a u kontekstu pluralnog društva, postaje od sedamdesetih godina 20. vijeka formativno načelo društvenog uređenja i razvoja demokratskih zemalja. Takođe, multikulturalizam nije samo određeni teorijski okvir, po kojem se evidentna kulturna raznolikost iskazuje kao svojevrsno društveno bogatstvo, već predstavlja i izraženi politički okvir za utvrđivanje društvenih odnosa, na osnovu kojih različite kulture mogu slobodno razvijati svoje vlastite identitete, dok istovremeno učestvuju i u jačanju zajedničkih društvenih i kulturnih institucija.



Fond za zaštitu i ostvarivanje
manjinskih prava

Projekat je finansijski podržao

Fond za zaštitu i ostvarivanje manjinskih prava Crne Gore

Ovaj flajer odražava isključivo stavove autora i Fond se ne može smatrati odgovornim za bilo kakvu upotrebu informacija sadržanih u njoj.

Implementator je Centar za edukaciju djece i mladih—Rožaje



Adresa: Ul. Mustafe Pečanina bb, Rožaje

E-mail: centarzaedukaciju.rozaje@gmail.com

Telefon: 068/477-547

O PROJEKTU

Projekat je koncipirani tako da afirmiše multikulturalizam i toleranciju u školama, da podstiču razvijanje senzibiliteta kod djece i mladih za različitost, kao i da razvijaju svijest i kritičko mišljenje kao jedino efikasno sredstvo za borbu protiv predrasuda, koje uzrokuju diskriminaciju, netrpeljivost i nasilno ponašanje prema drugom i drugačijem.

Projektom će se realizovati:

- Procjena tolerancije kod mladih (anketa)
- Dizajniranje, štampanje i distribucija propagadnog materijala (flajeri)
- Likovni konkurs „Ljepota različitosti – Biram toleranciju“.
- Web sajt organizacije koji će se koristiti za promociju projekta i aktivnosti organizacije.
- Dizajniranje, štampanje i distribucija propagadnog materijala brošure i postera.
- Edukativna radionica

Prijavu za učešće u besplatnoj edukativnoj radionici možete podnijeti na:
email: centarzaedukaciju.rozaje@gmail.com
Br.tel: 068/477-547



ŠTA JE TO TOLERANCIJA

Tolerancija je poštovanje, prihvatanje i uvažavanje različitosti

Tolerancija podrazumijeva uvažavanje tuđih ideja, stavova i načina života.

Biti tolerantan je moralna dužnost svakog pojedinca i zakonski zahtjev.

Tolerancija je vrlina koja doprinosi mijenjanju kulture rata u kulturu mira.

Tolerancija je odgovornost koju nose ljudska preva, demokratija i vladavina prava.

Tolerancija je poštovanje, prihvatanje i uvažavanje bogatstva različitosti u našim kulturama, običajima, navikama, vaspitanju, načinu izražavanja ... Tolerancija je harmonija u različitostima. Biti tolerantan ne znači tolerisanje socijalnih nepravdi ili odbacivanje ili slabljenje tuđih uverenja. Nasuprot tome, biti tolerantan znači biti slobodan, čvrsto se držati svojih uvjerenja i prihvatati da se i drugi drže svojih. To znači prihvatanje činjenice da ljudska bića, prirodno različita u svojim nastupima, sposobnostima, situacijama, govoru, ponašanju i vrijednostima imaju pravo da žive u miru i da budu kakvi jesu. Tolerancija podrazumijeva ne nametanje svojih stavova drugima. Različito ne znači lošije, već drugačije. Vidjeti različitost znači vidjeti pozitivno!

Tolerantno ili netolerantno ponašanje nije urođeno, ono se uči, a podloga tolerancije su empatija (razumijevanje drugih i emocionalno uživljavanje u njihovu situaciju, položaj ili problem), moralne vrijednosti, poznavanje temeljnih ljudskih prava i temeljnih sličnosti koje postoje među ljudima.

Djeca će nerijetko imati isti nivo tolerancije kao i njihovi roditelji. Djeca nas stalno posmatraju i imitiraju, čak i prije nego što progovore. Djeca su ogledalo naših vrijednosti i stavova prema drugima. Pokazujući toleranciju kroz svakodnevne riječi i djela učimo djecu da cijene različitosti. Na taj način dajemo priliku djeci da se druže i igraju sa drugima i na taj način odrastu u tolerantne ljude, sposobne da prihvate različitosti ljudi koji su drugačiji od njih samih.

MULTIKULTURALIZAM

Interkulturalni dijalog je proces koji obuhvata otvorenu i dostojanstvenu razmjenu mišljenja između pojedinaca i grupa različitog etničkog, kulturnog, vjerskog i jezičkog porijekla i nasleđa uz uzajamno razumijevanje i poštovanje. Potrebno je imati slobodu i sposobnost izražavanja, kao i volju i umeće da se sasluša mišljenje drugog. Interkulturalni dijalog doprinosi političkoj, socijalnoj, kulturnoj i ekonomskoj integraciji i koheziji kulturno različitih društava. On njeguje jednakost, ljudsko dostojanstvo i smisao zajedničkog cilja. Teži da razvije dublje razumijevanje različitih pogleda i praksi u svijetu, da poveća saradnju i učestvovanje (ili slobodu da se napravi izbor), da osnaži razvoj i transformaciju pojedinca, kao i da promovira međusobnu toleranciju i uvažavanje.

Interkulturalni dijalog ima nekoliko ciljeva, prije svega da promovira potpuno uvažavanje ljudskih prava, demokratije i vladavine prava. On je neophodna karakteristika inkluzivnog društva u kom nijedan pojedinac nije marginalizovan niti izopšten. On je moćno sredstvo medijacije i pomirenja: konstruktivnim zalaganjem za prevazilaženjem kulturnih podjela on se bavi istinskim problemima društvenog raslojavanja i nesigurnosti, dok istovremeno njeguje integraciju i socijalnu koheziju.

